

արծարծումը: Ըստ հավատալիքների մկրտությունը հաղորդեց Քրիստոսին այն-  
զորությունը, որը նա այնուհետև ցուցաբերեց իր հրաշագործ գործունեությամբ  
և քարոզչությամբ:

Դրողարանը: Եթե Ջրօրհնյաց ծիսակատարությամբ նորոգվում էր շրի  
կենսատու զորությունը, մի այլ ծիսակատարությամբ նորոգվում էր կրակի  
նույնպիսի զորությունը: Դա տեղի էր ունենում Դրողարանի օրը: Շատ նախ-  
նական մտածողությունից եկող այդ օրը, որը ձևափոխելով եկեղեցին, հար-  
մարեցրել է Տեառնընդառաջին՝ օգտվելով Քրիստոսի մանկության մասին  
ավանդված պատմությունից<sup>17</sup>: Տոնը կատարվում էր փետրվարի 14-ին երե-  
կոյան, այսինքն՝ ծննդից 40 օր անց: Այստեղ նախ պետք է ընդգծել, որ ավան-  
դությունն օգտվել է այն ժողովրդական սովորությունից, որը պահպանվում էր  
մինչև վերջին ժամանակներս Հայաստանի կենցաղի մեջ և պահանջում էր  
ծննդկանից քառասունք պահելը: Մյուս կողմից անհնարին է այդ հրավառու-  
թյան արարողության մեջ շտեմել նրա միջոցով ցցուն կերպով արտահայտ-  
ված մագիկ գործողություն, որով նորոգվում էր կրակի արդեն ուժասպառ եղած  
զորությունը և իսկույն օգտագործվում էր այդ նորոգված զորությունը: Ահա  
մի բան, որի հետքը չկա Քրիստոսին տաճար ներկայացնելու և Սիմոն ծերու-  
նու նրան դիմավորելու ավետարանական ավանդության մեջ: Այդ երեկո խա-  
րույկ վառելու սովորությունը տարածված էր ամենուրեք հայկական շրջան-  
ներում: Մի քանի գավառներում այն պարզապես կոչվում էր դեզ, Կարնո գա-  
վառից վերաբնակված հայերի մեջ Դէրնաաս՝ հանչալի գյուղ: Այդ սովորու-  
թյունը թափանցել է Վրաստանի հայաբնակ վայրերը և այնտեղ, օրինակ՝  
Տփղիսում, կոչվում է ձիակօղօլա: Իր մանրամասնություններով նա հիշեց-  
նում է Հունաստանում տաճարի կրակից տան կրակի զորությունը վերականգ-  
նելու ծիսակատարությունը: Այդ մագիկ միջոցառումով նորոգվում էր նաև  
կրակի հետ արևի ջերմատու զորությունը և, ապահովվում էր ապագա առա-  
տությունը:

Որպես հունական աշխարհում, նույնպես և հայկական գավառներում,  
մասնավորապես Զանգեզուրում, ծիսակատարության հիմնական մասը կազ-  
մում է տաճարում վառած կրակով դեզի բոցավառումը և այդ դեզից տներում  
կրակի նորոգումը: Այդ ծեսի բովանդակությունը Զանգեզուրի զանազան գյու-  
ղերում տարբեր հավելացումներով է բարդացել: Այսպես, Խնձորեսկում<sup>18</sup> մեկը,  
ամենից շատ վճարողը, որը սակայն պիտի լինի անպատճառ այդ տարվա  
նորապսակներից մեկը, եկեղեցում վառում էր աշտանակի վրա տնկած 12 մո-  
մերը: Ժամվորներն այդ մոմերից վառում էին իրենց ձեռքի մոմերը և առանց  
հանգցնելու հասցնում էին իրենց տները՝ այնտեղ ճրագը կամ կրակը վառելու  
համար: Այլ գյուղերում պահպանվել էր ավելի ամբողջական բարդ ձևը՝ եկե-  
ղեցում վառած մոմերով վառում էին եկեղեցու բակում սյունանման կիտած  
դեզը: Այդ դեզը կիտում էին այդ տարվա նորապսակները<sup>19</sup>, դրա համար բե-

<sup>17</sup> Կան հակառակ պնդումներ, որ Դրողարանը բառը մի ազգավաղում է Տեառնընդառաջի-  
Սակայն աչքի առաջ ունենալով այդ օրվան հետ շաղկապված սովորությունները, որոնք ոչ մի  
կնազ չունեն ավետարանական պատմության հետ, թվում է, թե ավելի ընդունելի պիտի համարվի  
մեր բացատրությունը: Տե՛ս M. Abegian, Der armenische Volksglaube, Leipzig, 1894,  
էջ 372:

<sup>18</sup> Լալայեան Ե., Զանգեզուր, էջ 107:

<sup>19</sup> Գորիս: